

Am Tage S. Marci des Evangelisten.

Von den siebenzig ausgesendeten Jüngern/

Evangelium Luc. IO. v. I. & seq.

Nachsondert der Herr ander siebenzig aus/ vnd sandte sie/ ja zween vnd zween für ihm her/ in alle Stedte vnd Ort/ da er wolt hinkommen/ vnd sprach zu ihnen: Die Erndte ist groß/ der Erbeiter aber ist wenig/ bittet den Herrn der Erndten/ daß er Erbeiter aussende in seine Erndte. Gehet hin/ sihe/ ich sende euch/ als die Lämmer/ mitten vnter die Wölfe. Traget keinen Beutel/ noch Taschen/ noch Schuch. Vnd grüßet niemand auff der Strassen.

Wo ihr in ein Haus kommet/ da sprecht zu erst: Friede sey in diesem Hause/ vnd so daselbst wird ein Kind des Friedes seyn/ so wird ewer Friede auff ihm beruhen/ wo aber nicht/ so wird sich ewer Friede wieder zu euch wenden. In demselbigen Hause aber bleibet/ esset vnd trincket/ was sie haben/ Denn ein Erbeiter ist seines Lohns werth. Ihr solt nicht von einem Hause zum andern gehen.

Vnd wo ihr in eine Stadt kommet/ vnd sie euch aufnehmen/ da esset/ was euch wird fürgetragen/ vnd heilet die Krancken/ die daselbst sind/ vnd saget ihnen/ Das Reich Gottes ist nahe zu euch kommen.

Jeremiae